

畚經館駢體文鈔一卷

奮經館駢體文鈔目錄

程猷軒姻丈六十壽序

杜母楊恭人六秩壽序

舅母王母左太安人七十壽序

前題

程任之太學六十壽序

程母彭孺人六秩壽序

熊集成姻伯雙壽暨季嗣榮冠帳詞

募賻羅樹生明經啟

誄劉紀三鄉解

奮經館駢體文鈔 目錄

金澤館藏文鈔 目錄

奮經館駢體文鈔卷之一

萬縣杜煥章成軒著

程猷軒姻丈六十壽序

辛盤春歲三朝纔賀元辰卯酒延齡萬象宏開壽宇寫太平之景物燈火樓臺集盛時之衣冠笙歌院落維時飛花處處爆竹聲聲西山曉而南浦晴東郭錦而北城繡走馬則嬌紅十里聽鶯則軟翠六街郝大通攬揆之辰無茲麗景白太傅耆英之會有此華年此所爲春臺共登壽人不老者也程公猷軒姻丈以歲星在巳之年爲芳算週甲之日樞曠之心未已背齡之髮猶新人謂矍鑠哉翁生當文明之世瓊筵既敞遐祝宜申爰製相州之錦屏特囑張老爲善頌今夫朔桃安棗何關五福之徵朱豔班香徒溢三多之祝使觀型其無述雖揆藻而皆夸公則詩禮名家簪纓華胄雖州官績遠祖早祀鄉賢蜀國科名近宗齊登蕊榜達錫光於奔葉益衍派於蕃椒蠅利與家步雲公無執袴之習燕謀篤祐起飛公有孝友之思而公善繼前人孔懷天顯孳篋之奏無間於晨昏棣萼之輝倍光於遲暮元方不祀繼子而後難兄白眉最良同居而依愛弟以視煮豆燃箕之詠尺布斗粟之語直如境隔天淵奚止床分上下所以王謝子弟亦留純謹之風伊洛家聲不愧先賢之裔且夫席豐厚者易即驕奢喜居積者或成鄙濇衣租食稅誰弗更晏子之裘累黍積銖詎肯貨陳氏之粟公處已恒約利人則周濟贖之局倡之

於早歲寒衣之會被之於窮簷絲粥道旁餉者爲哀王孫而進青錢囊底受者不知誰氏之施而且排難解紛魯仲連誠爲高義彌隙敦品澄臺氏洵爲端人但舉一節之長無非善相況兼諸福之備何異福星晚與賢旣締交素識荆州芳概景松喬之在望不禁心傾代梓里以揚徽非同耳食酌鷓北斗吹鳳南津程門之雪初晴臣甫之詩再拜自愧江郎才退祝釐少夢筆之花却欣李白園開陪宴當游春之序

杜母楊恭人六秩壽序

一陽應律寒回暖谷之天片語乞年春盎生花之管蟻繁星於北斗須髮凝輝挹爽氣於西山罔陵啟頌龍井之源不涸魯池之詠常新則見白巖曉晴翠屏晚秀都歷積雪爭飛益壽之花岑洞流泉畫醴延齡之酒望杜陵而開廣廈冠蓋連雲祝壽母而燕魯侯藻芬垂露不有麗駉之製奚揚聖善之徽如我杜母楊恭人者誠芳圃之名媛實粉閨之令望綜厥懿美可藉言宣溯容華攬授之年正楊實獲環之日宏慶望族那無詠絮之才京兆名門因有結構之契拜廟而尊章色喜入門而梁孟情投維時某公以積善之家興懷餘慶時三公以單丁之裔屬望多男恭人怡志承顏合敬同愛翳翠之巢方穩熊龍之夢思占於是江垞明恩萬摺示惠交柯玉樹緣分連理之香並蒂金蓮已見側生之果今夫智不沈者見難遠德不大者量無容寄意於螟蛉何如護胎龍之馬並棲於鸞鳳奚爲遲人疑之雄古無嫌妬之方世有郊陳之誤豈知稷契同生帝胄仍重慶都曹滕未別天潢誰忘文母果貽謀於燕翼胡分氣於螽斯而恭人情殷代李夢謙徵蘭但慰慈孫椒衍之心不改琴瑟鼓鐘之樂是以長君謙

甫以茂才而進秩郎官仲子雲笙由太學而增階典籍既紹前人之緒益揚阿母之聲雖安富尊榮不必母由子貴而顯揚褒大何如情以分崇此固鄉曲之美談抑亦藝林所樂道至若持躬有禮御下以寬服三藩之衣富而能儉荷五花之語貴亦不驕受田者被其賑獨托歛者蒙其康濟相夫教子無非閨澤之流蹈德詠仁宜有康強之吉今者萊臺獻壽花甲周釐坤應地而恒貞祿自天而永保歡騰子舍集簪笏於滿床秀茁孫枝植琅玕而竊砌此日金萱堂裏箕疇陳五福之休他年武庫門前帝賚進九齡之祝

舅母王母左太安人七十壽序

夫使揚風挖雅徵魯侯壽母之詩鏤月裁雲製唐山夫人之奏則東方修語浪稱桃實三千西母遐齡詭說菊簪九百披藻而鋪張羣翬拈毫而鏗耀珩璜雖復貞媚閩陵無益於閭閻增輝屏障何與於坤儀因知金松綺柏之詞翠鳳青鸞之祝從其諛焉抑亦未已惟我舅母王母左太安人者乃輔廷母舅之德配而式九表兄之賢母也幼嫻壺教耆樹閨型蘭韓悉奉師承梓里久崇佛號諸親以戊寅冬仲爲七十誕辰玳瑁梁高則漆金額字琉璃壁飲則丹錦摛華自暫宅相魏舒難爲善頌張老敢舉生平所佩服者以彰聖善之徽猷焉今夫桃天之什務宜其室家棗梨之脩先見於姑舅彼鷄鳴侍寢手作羹湯魚躍疏泉躬操井臼僅循分以勤婦職詎養志而得親心矧堂上衰翁已傷盲左閨中嫠姊並泣湘妃外孫餘豔白之恩老人多爲瓜之庇承顏怡意不亦難乎安人則鳩杖承歡烏屋推愛章香南國解屈平之重女嬃璧乞東山留羊曇以依謝傅懿親兩姓眷屬一家人謂無亦蒂之

嫌吾知樹椿萱之意其不可及者一也既而琴瑟靜好棋硯常親機杼之聲伴書燈於雪夜桑落之酒佐文會於賓筵謝道韞能解議圍桓少君無慚內助惟是繡廷公天性切直家政嚴明如大帥之行軍風馳電掣比法官之治獄望重威尊鄭婢不敢嘲詩蕭奴爲之束禮安人婉容相遇睡面自甘常操柔道而行靡不怡顏以解使非高賢於德敘貞爲和未必合飴弄孫之時無間相敬如賓之意其不可及者二也或謂殷富之家驕淫易起執袴之習揮霍爲多石季倫片刻千金劉青州一擲百萬縱安人力持風會恐哲嗣易蹈雷同然而儉樸者室家之肥也奢靡者後人之蠹也敬姜之論勞逸意在防淫王母之倚門閨情殷誠子是以雙麟膝下莫不立鶴雞羣會之雖作陳人早騰聲於夔序式九今成司李更允協乎鄉評而子木長孫彬彬儒者贊動諸季藹謫吉人家無蕩子之吟世守先民之矩惟式九能承母教後輩咸遵惟安人克振家聲故儒風不改及不可及者三也或又謂人非聖仁難言博濟婦無公事疇問解推任嫻徽音豈在脫簪賑餓郝鍾禮法未聞貸粟指囷不知樂善者必好施修德者常惜福安人本現身之說法爲濟世之婆心服練方殷而望授衣者三族殺牲有戒而待舉火者千家推愛獨庇乎孤寒徵福不祈於神鬼所以心齋繡佛從未拈古剎之香手飯活人並不參檀越之號惟念田家辛苦陰貸釜鍾凶歲旱乾時空倉庾扇和風着不遺黍穀祈甘露者樂拜蓮臺而功不自矜善無須伐好花開而鼓馨息時雨過而雲影銷其不可及者四也至若岳峻持躬海涵爲量納瓶於守口鍊冶於操心木屑竹頭天物未暴樵雙炬聲色弗加考諸五福之徵無非壽相矧有四德之應宜備榮施以今七秩誕期得援例壽封六品安人九

天綸絳標相內之芳徽三祝華嵩聚房中之雅管某稔齡寄讀榭陰夙叨碧草叢生未忘情於雨露青氈如舊莫
申報於瓊瑤聊陳葑菲之詞權佐萊班之舞所願慈雲久庇寶月常圓冬至爲一陽之生古稀卽百齡之券則渭
陽車馬未必輝萱草之堂阿士文章尙堪證菩提之樹

前題 代程淇右賀星沅作

梅花釀雪之天冠蓋連雲之里人愛冬日客坐春風我外姑王母左太安人以康福之年晉古稀之算於時譜房
中之奏躋堂者稱兕而來誦壽母之詩扶杖者刻鳩而導笙歌華綵舞斑萊南極雲開爭騰輝於寶婺北堂春
永喜篤祐於靈萱值子舍之傳觴倍媚鄉而製錦雅歌特介嵩祝用申當夫玉勝徵祥鸞絲謹度絮才起詠三都
詞賦之家桃實于歸兩晉烏衣之族椿萱無恙榛棗承歡佳耦曰妃而姻媿稱賢祥女入門而婢奴皆喜手潔盤
匱之奉躬操井臼之勞其相我繡廷外舅也出懋蘋蕪入調琴瑟門有車馬間餽酒於中閭田連陌阡責簿書於
內助是以袁公世德襄贊乃成文學豪雄箴規時有梁鴻聞望因孟德曜而益彰鮑氏家聲得桓少君而彌顯乃
猶媿媿善下踏踏忘勞春服既成則葛覃三什冬儲預勉則寒菜一畦鴛鴦添綠之功斲刀奏代庖之技用是
賢能並著福德齊臻協下在鳳凰飛時發祥於熊羆夢裏二難競爽不數驥子龍文上美爲元爭羨金昆玉友長
君年逾弱冠漢廷已舉茂才次郎名重成均唐代猶推司李人言無間母教爲多兼之繞膝孫曾羅一堂於四代
揚徽綸綉捧雙詒於九天而安人方受寵若慈履豐如素慈悲戒殺齋心選佛之場鐘釜言施量米唱籌之會田

間水旱待澤尤殷門外飢寒乞膏殆徧貴而能儉有班姑四德之箴富不自私識晏嬰三族之意凡所以利人濟物厚族郵鄰者靡不仁粟先供義囊弗吝遂使夫人林下樹德而譽滿東川豈但慈母春暉蔭草而香溢南浦某等誼切舊姻情殷半子階前拜母會坦腹於東床簾外持觴將開尊於北海愧乏截金之句藉揚璫玉之輝所望樹茂恒春花繁益壽永綏福祿之日長留功德之雲山培壤而岳增高海有源而流滋大他年歌廣百歲更有雕瓊鏤玉之篇此日詩誦九如權當銘柏頌椒之製

程任之太學六十壽序

夫歷甘飲肥者不足與識太羹之遺味嘈絲雜管者不足與論太古之元音今世侈靡相矜浮華成習角逐於輿輪之會神迷於冠帶之場而夕秀未榮朝華已謝螢光電火固其宜焉若我任之先生者殆不爭桃李之顏而能延松柏之秀者也經橫早歲能讀墳典索邱望重詞壇不數王楊盧駱既童軍之屢冠翻國子以揚聲遂乃水淡名場火觀世態武城之室無澹臺子羽之蹤吳市之偏有梅福神仙之隱晏表不儉陶甓習勤望者疑古處之衣冠識者重老成之型典兼以鹿車手挽鴻案眉齊雖食稅衣租而不驕人以富雖賙危賑困而常損己之餘故作善不求名亦得賢由內助已今者梅條初動花甲剛週蘭孫之秀一莖桂子之芳四蕊錫光篤慶知庭槐之垂蔭者多偕老齊年冀大椿之發榮更遠

程母彭孺人六秩壽序

中秋月滿才開玉宇之祥函夏風清請紀璇閨之瑞敞瑤池於西極鳥使遙臨繡寶婺於南垣辟芒熒耀則有伊川舊族洛水名媛宅倚天城之山城開不夜慶逢花甲之歲甲註長生簪纓之冑偕來巾幗之英畢集蟠桃入座艷稱王母春秋麟醜開尊不借虧姑指爪用徵休於令誕并志喜於覃恩如我旌表節孝程母彭太孺人者固海嶼先生之德配而雪嶠茂才之賢母也當其及笄甫字敬懿如賓桓少君之高風鹿車共挽孟德曜之懿範鴻梳長齊方謂四德無違百年偕老矣而乃結褵伊始未逾改火之期破鏡難圓忽罹飲冰之痛欲相從於地下投并奚裨日飲泣於閨中返魂何術於是恩將義割節以孝兼奉黔婁之親未忘癡膳續伯道之祀妙有權宜劉孺則猶是嬰兒敬姜已無慙母道惟螟蛉之無異遂雛鳳之有成是以雪濤嗣君育爲魚泉俊彥干城託咏本折衝禦侮之材鬢序蜚聲寶文物衣冠之選而且孫曾滿眼蘭桂慳心習儒術者不廢弦歌作賈人者日勤荳算一堂四代皆奉命於高年三族九宗尤景行於闔教此固壽人之相也抑亦福蔭之徵也今夫桃李之顏逢春易暮柳蒲之質望秋先零雖花蕊之爭榮無本根之能固而蒼松翠柏歷盤錯而彌貞良玉堅金經磨礱而不毀豈非遇以濃者榮華易謝守以淡者精氣長留乎孺人以守貞抱淑之姿養茂祉延禧之體靈源早裕一千尺井水不波寸草長春六十年堂護可樹蘭有膏而馨香自烈花不言而遲暮益芳有水雪以增齡無鉛華之損性坤貞永固不信然歟今者寵荷恩綸榮邀旌典頭銜錫慶用增綺閣之輝耳順延釐更篤華堂之祐繡星妃於寶帳華祝齊庶蔽雲母之屏風萊斑競舞此日徽揚彤管榮名膺兩字之褒他年算比青松上壽稱百年之慶

熊集成姻伯雙壽暨季嗣榮冠帳詞

老人星見聯寶婺以開祥壽者相成賀錦堂而著代惟其篤琴瑟之好綿弓冶之傳是以鴻案齊年有君子偕老之意鯉庭裕後來好逑淑女之康福祿永綏固其宜已惟我能太姻翁安鄉舊族荆楚名宗誓齡解讀其父書壯志不爭夫宜隱經卷琴囊之際杖履優游邱山林壑之餘烟雲供養德配曾孺人珩璜表德圭璧飭躬人稱內助之賢家有陰行之善茲值懸弧令誕設悅良辰中秋之寶月猶圓大德之春華不老徵純嘏於天錫黃髮增齡祝多男於華封白眉及冠試聽蟠桃會上承歡雜荇菜之歌還看玉鏡臺邊脩贊上椿萱之壽

募賻羅樹生明經啟

夫窮愁托鉢殊慙面目可憎措大操文尤覺語言無味然而素車白馬猶修拜墓之儀葛屨練裙豈乏故交之郵生前裹飯歿後指囷未免有情能無相挽吾邑羅君樹生幼而文秀世爲禮宗采泮水之芹香分貢樹著梧軒之草名艷詩葩才華則刻燭成人品如大圭不琢武城之室無澹臺子羽之蹤栗里之偏有靖節先生之隱視彼侯門托足豈徒白眼相看如公斗室銘心祇覺丹鉛可好而乃身遭貧寢命與愁謀顏子一簞空傳贊於東魯長卿四壁誰獻賦於西京於是空冀北而授徒不復指終南爲捷徑天城風月長此隱淪講席星霜修焉老病命之窮也天可必乎今者人歸道山家如逝水遽伯玉行年六十已爲坐化之期孟嘗君食客三千無復可追之債聽華州之哭杞妻無奈猶存訪世族之孤趙武可憐方劫蓋棺而幾不能葬盡室亦何以爲生所望瓜葛懿親芝蘭

故舊不吝傾囊之助稍抒懸磬之憂或千萬以相資貸財爲禮商二三之知己積腋成裘數核其成卽以存諸殷實歲則有息藉以贖其子孫俾生者不垂涕於道旁庶已者可瞑目於地下存歿銜感惠澤靡涯如賜隆儀請登素版謹啟

誄劉紀二鄉解

爲程少暉作

江深南浦恨添才子之愁月落西山星黯少微之彩乘素驪而仙去曼卿忽主蓉城跨仙鶴以宵還子晉終歸緱嶺文人不壽自昔已然名士堪傷於今爲烈憶親翁顯名之日正安鄉發軔之初榜占龍頭閱百八年而再見樓操鳳手計卅七歲而始光春明之路未通秋夢之情亦慙然而關西夫子不厭首着之餐江左夷吾特引蓮花之幕月輪課士憑玉尺以量才雨化及人仗金鍼而迪教文峯餐而蓮峯館巫峽清而巫山高識者歎明復之才名觀者驚仲塗之聞望固宜傳經槐市允爲後學津梁介壽椿林盡在先生杖履矣而乃甘井易竭梁木先摧薤露之歌不收聲於故里楊風之痛偏拊膺於老成此卽桑梓情親猶煩鵬賦況乎葭莩誼切曷禁蠟悲愧豚犬之無知此日而謬承楮選冀龍鶩之學步他年而難望薪傳有淚沾襟拜素帷其伏地無緣親面仰白雲之在霄

會經館駢體文鈔卷之二

會經館駢體文鈔終